

«28» հուլիսի 2022թ.

ք.Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով ՀՀ քաղաքացի Անիկ Գրիշայի Միրզայանի (անձնագիր՝ AP0595995, ք.Երևան, Էրեբունի, Արցախի փողոց, շենք 13/1, բն. 35) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

ՀՀ քաղաքացի Անիկ Գրիշայի Միրզայանի անվամբ 22.05.2022 թվականի թիվ 05100041/220522/0000693990 մաքսային մուտքի օրդերով 10 /տաս/ օր ժամկետով ժամանակավոր ՀՀ տարածք է ներմուծվել MERCEDES-BENZ-S350 մակնիշի, WDD2211566A092575 նույնականացման համարով, JG810GJ պետհամարանիշի, 2006 թվականի արտադրության տրանսպորտային միջոցը: Նշված տրանսպորտային միջոցը սահմանված ժամկետում մինչև 01.06.2022 թվականը ներառյալ ՀՀ-ից չի արտահանվել, որի արդյունքում խախտվել է հետագա վերաարտահանման պարտավորությունը:

Հայաստանի Հանրապետության պետական եկամուտների կոմիտեի Հարավային մաքսատուն-վարչության ավագ մաքսային տեսուչ-իրավաբանի կողմից 02.06.2022 թվականին ՀՀ քաղաքացի Անիկ Գրիշայի Միրզայանի նկատմամբ հարուցվել է վարույթ ՀՀ մաքսային օրենսգրքի 199-րդ հոդվածի հատկանիշներով:

ՀՀ քաղաքացի Անիկ Գրիշայի Միրզայանի նկատմամբ ՀՀ մաքսային օրենսգրքի 199-րդ հոդվածի հատկանիշներով հարուցված վարչական վարույթն ու ծանուցագիրն ուղարկվել է ք.Երևան, Էրեբունի, Արցախի փողոց, շենք 13/1, բն. 35 հասցեին, սակայն ծրարը փոստային ծառայության կողմից հետ է վերադարձվել «տեղափոխված» նշագրմամբ:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ

հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչության ՀՀ քաղաքացի Անիկ Գրիշայի Միրզայանի սահմանահատումների պատմությունը ստանալու նպատակով:

Համաձայն ՀՀ ՊԵԿ Ներքին անվտանգության վարչության տրամադրած սահմանահատումների պատմության ՀՀ քաղաքացի Անիկ Գրիշայի Միրզայանը Ազարակ պետական սահմանի անցման կետով 22.05.2022 թվականին ժամը 16:37-ին MERCEDES-BENZ-S350 մակնիշի, WDD2211566A092575 նույնականացման համարով, JG810GJ պետհամարանիշի, 2006 թվականի արտադրության տրանսպորտային միջոցով անցել է ՀՀ:

Վարչական վարույթի շրջանակներում հարցումներ են կատարվել ՀՀ կադաստրի կոմիտե՝ նպատակ ունենալով տեղեկատվություն ստանալ քաղաքացի Անիկ Գրիշայի Միրզայանի անվամբ գրանցված գույքի վերաբերյալ և Ոստիկանության անձնագրային և վիզաների վարչություն՝ նպատակ ունենալով տեղեկատվություն ստանալ քաղաքացի Անիկ Գրիշայի Միրզայանի հաշվառման վայրի վերաբերյալ տեղեկատվություն:

ՀՀ կադաստրի կոմիտեից տեղեկատվություն է տրամադրվել առ այն, որ քաղաքացի Անիկ Գրիշայի Միրզայանի անվամբ Կոտայքի մարզ, քաղաք Չարենցավան, 5-րդ թաղամաս, 15 շենք, 36 բնակարան հասցեի անշարժ գույքի նկատմամբ գրանցված է ընդհանուր բաժնային սեփականության իրավունք:

Ոստիկանության անձնագրային և վիզաների վարչությունից տեղեկատվություն է տրամադրվել առ այն, որ Անիկ Գրիշայի Միրզայանը հաշվառված է ք.Երևան, Էրեբունի, Արցախի փողոց, շենք 13/1, բն. 35 հասցեում:

Վերոնշյալ երկու հասցեներով կրկին ուղարկվել է ՀՀ քաղաքացի Անիկ Գրիշայի Միրզայանի նկատմամբ ՀՀ մաքսային օրենսգրքի 199-րդ հոդվածի հատկանիշներով հարուցված վարչական վարույթի մասին ծանուցագիր, սակայն հայփոստի պաշտոնական կայքի ուսումնասիրությունից պարզվում է, որ ծրարները չեն հանձնվել:

ՀՀ քաղաքացի Անիկ Գրիշայի Միրզայանը գործի քննության անցկացման վայրի և ժամանակի մասին պատշաճ կարգով ծանուցվել է Հայաստանի Հանրապետության ինտերնետով ծանուցման՝ ազդարար.ամ /azdarar.am/ կայքում հրապարակային ծանուցման միջոցով:

Վարչական վարույթն օբյեկտիվ և բազմակողմանի իրականացնելու անհրաժեշտությունից ելնելով և քաղաքացի Անիկ Միրզայանին հայտնաբերելու նպատակով՝ գրություն է ուղարկվել ՀՀ ՊԵԿ մաքսանենգության դեմ պայքարի վարչություն:

Ի պատասխան գրության ՀՀ ՊԵԿ մաքսանենգության դեմ պայքարի վարչությունից պատասխան է ուղարկվել առ այն, որ ՄԴՊՎ աշխատակիցների կողմից ձեռնարկվել են համապատասխան միջոցառումներ քաղաքացի Անիկ Գրիշայի Միրզայանին հայտնաբերելու և նրա հետ կապված որևէ կոնտակտային տվյալ ճշտելու նպատակով, սակայն ներկայումս հնարավոր չի եղել պարզել վերջինիս, թե գտնվելու վայրը, թե հեռախոսահամարը, ինչի արդյունքում ծանուցագիրը հնարավոր չի տեղեկացնել կամ հանձնել քաղաքացի Անիկ Գրիշայի Միրզայանին:

Վարչական վարույթի շրջանակներում կրկին հարցում է կատարվել ՀՀ ՊԵԿ Ներքին անվտանգության վարչության ՀՀ քաղաքացի Անիկ Գրիշայի Միրզայանի սահմանահատումների պատմությունը ստանալու նպատակով:

Համաձայն ՀՀ ՊԵԿ Ներքին անվտանգության վարչության տրամադրած սահմանահատումների պատմության ՀՀ քաղաքացի Անիկ Գրիշայի Միրզայանը Բագրատաշեն պետական սահմանի անցման կետով 28.06.2022 թվականին ժամը 18:18-ին հետիոտն անցել է ՀՀ:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ **եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:**

Վարչական վարույթի շրջանակներում թիվ 05100041/220522/0000693990 մաքսային մուտքի օրդերով ՀՀ ներմուծված տրանսպորտային միջոցի խախտման օրվա դրությամբ՝ ազատ շրջանառության համար բացթողնելու դեպքում նախատեսված մաքսային վճարների չափի վերաբերյալ հարցում է կատարվել ՀՀ ՊԵԿ ՀՄՎ վարչության համապատասխան ստորաբաժանմանը:

Համաձայն ՀՀ ՊԵԿ ՀՄՎ մաքսային գործառնությունների բաժնի կողմից տրամադրված տեղեկանքի թիվ 05100041/220522/0000693990 մաքսային մուտքի օրդերով ՀՀ ներմուծված տրանսպորտային միջոցի խախտման օրվա դրությամբ՝ մաքսային վճարների չափը կկազմի 10 091 643 /տաս միլիոն իննսունմեկ հազար վեց հարյուր քառասուներեք/ ՀՀ դրամ:

Այսպիսով, մաքսային կանոնների խախտման վերաբերյալ վարույթի նյութերով հիմնավորվում է, որ ՀՀ քաղաքացի Անիկ Գրիշայի Միրզայանի անվամբ 22.05.2022 թվականի թիվ 05100041/220522/0000693990 մաքսային մուտքի օրդերով ՀՀ ժամանակավոր ներմուծված MERCEDES-BENZ-S350 մակնիշի, WDD2211566A092575 նույնականացման համարով, JG810GJ պետհամարանիշի, 2006 թվականի արտադրության տրանսպորտային միջոցը սահմանված ժամկետում չի վերաարտահանվել, ինչով պայմանավորված թույլ է տրվել ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 199-րդ, 221-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 219-րդ, 234-րդ հոդվածներով՝


Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածի 1-ին մասով նախատեսված մաքսային կանոնների խախտում կատարելու համար ՀՀ քաղաքացի Անիկ Գրիշայի Միրզայանին ենթարկել վարչական պատասխանատվության՝ տուգանելով **5 045 821.5 /հինգ միլիոն քառասունհինգ հազար ութ հարյուր քսանմեկ դրամ հինգ լումայի/** չափով /10 091 643:2/:
2. Որոշման մասին հայտնել ՀՀ քաղաքացի Անիկ Գրիշայի Միրզայանին:
3. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ մաքսային օրենսգրքի 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) որոշումը կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. 900005024055՝ 5 045 821.5 /հինգ միլիոն քառասունհինգ հազար ութ հարյուր քսանմեկ դրամ հինգ լումա(ՀՀ պետական բյուջե, կենտրոնական գանձապետարան, Հարավային մաքսատուն-վարչություն, ԿՈՒ 30):

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ՄԾ ԳՆԴԱՊԵՏ



ԱՐՏԱՇԵՍ ՂԱՄԲԱՐՅԱՆ